

全上古三代秦漢三國六朝文

全宋文卷三十三

烏程嚴可均校輯

謝靈運

四

七濟

翠綏媚口朱裳妍形

御覽六百八十六

朝食既畢摘果堂陰春惟枇杷夏則林擒

御覽九百七十一

遊名山志

夫衣食人生之所資山水性分之所適今滯所資之累擁其所適之性耳俗議多云歡足本在華堂枕岳漱流者乏於大志故保其枯槁余謂不然君子有愛物之情有救物之能橫流之弊非才不治故時有屈己已濟彼豈已名利之場賢於清曠之域邪語萬乘則鼎湖有縱轡論儲貳則嵩山有絕控又陶朱高揖越相畱侯願辭漢傅推此而言可已明矣

破石溪南二百餘里。又有石帆。修廣與破石等度。質色亦同。傳云古有人曰破石之半。爲石帆。故名。彼爲石帆。此名破石。

永寧安固二縣中路東南。便是赤石。又枕海巫湖。三面悉高山。枕水渚山溪澗。凡有五處。南第一谷。今在所謂石壁精舍。

石門澗六處。石門遡水上入南山口。兩邊石壁。右邊石巖。下臨澗水。

神子溪南山與七里山分流去。斤竹澗數里。

華子岡麻山第三谷。故老相傳。華子期者。祿里先生弟子。翔集此頂。故華子爲稱也。

桂林頂遠。則嶰尖壠中。

從臨江樓步路南上二里餘。左望湖中。有倚長江。

始寧又北轉。一江十里。直指舍下。岡南門樓。自南樓百步。許對橫山。

地肺山者王演山記謂之木樛山一名地肺初學記五

新溪蠟味偏甘有過紫溪者御覽九百四十二

吹臺有高桐皆百圍嶧陽孤桐方此為劣初學記二十八

述祖德詩序

大元中王父龕定淮南負荷世業尊主隆人逮賢相祖謝君子道

消拂衣蕃嶽考卜東山事同樂生之時志期范蠡之舉文選謝靈運述祖德

注詩

贈宣遠詩序

從兄宣遠義熙十一年正月作守安成其年夏贈曰此詩到其年

冬有荅文選謝靈運詩注

擬魏太子鄴中集詩序

魏太子

建安末余時在鄴宮朝游夕譙究歡愉之極天下良辰美景賞心

樂事四者難并。今昆弟友朋二三諸彦共盡之矣。古來此娛書籍未見何者。楚襄王時有宋玉。唐景梁孝王時有鄒枚嚴馬游者美矣。而其主不文。漢武帝徐樂諸木備應對之能。而雄猜多忌。豈獲晤言之適。不誣方將庶必賢於今日爾。歲月如流。零落將盡。撰文懷人。感往增愴。

王粲

家本秦川。貴公子孫。遭亂流寓。自傷情多。

陳琳

袁本初書記之士。故述喪亂事多。

徐幹

少無宦情。有箕穎之心。事故仕世多素辭。

劉楨

卓犖偏人。而文最有氣。所得頗經奇。

應瑒

汝頴之士流離世故頗有飄薄之歎

阮瑀

管書記之任故有優渥之言

平原侯植

公子不及世事但美遨遊然頗有憂生之嗟

並見文選

無量壽佛頌

法藏長王宮懷道出國城願言四十八弘誓拯羣生淨土一何妙

來者皆清英殫年欲安寄乘化好晨征

魏文類聚七十六

王子晉贊

淑質非不麗難目之百年儲宮非不貴豈若登雲天王子愛清淨

區中寔囂諠冀見浮丘公與爾共縉緇

初學記二十三

巖下見一老翁四五少年贊

衡山采藥人路迷糧亦絕過息巖下坐正見相對說一老四五少

仙隱不可別其書非世教其人必賢哲

初學記二十三

和范光祿祇洹像贊

三首并序

范侯遠送像贊命余同作神道希微願言所屬輒總三首期之道

場

佛

惟此大覺因心則靈垢盡智照數極慧明三達非我一援羣生理

阻心行道絕形聲

菩薩

若人仰宗發性遺慮已定養慧和理斯附爰初四等終然十住步

求至矣在外皆去

緣覺聲聞合

厭苦情多兼物志少如彼化城權可得寶誘曰涅槃救爾生老肇

元三車翻乘一道

疏廣引明
集十五

維摩經十譬贊

八首

聚沫泡合

水性本無泡、激流遂聚沫、即異成貌狀、消散歸虛壑、君子識根本、安事勞與奪、愚俗駭變化、橫復生欣怛、藏文類聚
七十六

燄

性內相表狀、非炎安知火、新新相推移、熒熒非向我、如何滯著人、終歲述因果、

芭蕉

生分本多端、芭蕉知不一、含萼不結核、敷華何由實、至人善取譬、無宰誰能律、莫睨緣合時、當視分散日、藏文類聚
七十六

聚幻

幻工作同異、誰謂復非真、一從逝物過、既往亦何陳、謬者疑久近、

遠者皆自賓勿起離合情會無百代人

文類聚
七十六

夢

覺謂寢無知寐中非無見意狀盈眼前好惡迭一作萬變既悟眇
已往惜為浮物戀孰視婆娑盡寧當非赤縣

影響合

影響順形聲資物故生理一旦揮霍去何因相像似羣有靡不殊
味漠呼自己四色尙無本八微欲安恃文類聚
七十六

浮雲

泛濫明月陰蒼蔚南山雨能為變動用在我竟無取俄已就飛散
豈復得攢聚諸法既無我何由有我所

電

候燥驚電過可見不可逐恆物生滅後誰復覈遲速慎勿空畱念
橫使神理而發已道易孚忘情長之福已上並見釋藏肥
九廣弘明集十五

侍汎舟譜

汎鷁兮遊蘭池、渚相委兮石參差、日隱雲兮月照林、風澄冷兮水

漣漪、初學記二十五

書帳銘

懷幽卷蹟、戰妙抱密、用捨已造、舒卷不失、亮惟勤翫、無或暇逸、或

類聚五十五
御覽六百六

佛影銘 并序

夫大慈弘物、因感而接、接物之緣、端緒不一、雖已形檢、易已理測、故已倘載經傳、具著記論矣、雖舟壑、緬謝像法、猶在感運、欽風日、月彌深、法顯道人、至自祇洹、具說佛影、偏爲靈奇、幽巖嵌壁、若有存形、容儀端莊、相好具足、莫知始終、常自湛然、廬山法師、聞風而悅、於是隨喜幽室、卽考空巖、北枕峻嶺、南映瀝澗、摹擬遺量、寄託青彩、豈唯像形也篤、故亦傳心者極矣、道秉道人、遠宣意旨、命余

製銘已充刊刻、石銘所始、寔由功被、未有道宗崇大若此之比、豈
淺思庸學所能宣述、事經徂謝、承眷罔已、輒罄竭劣、薄已諾心、許
微猷祕奧、萬不寫一、庶推誠心、頗感羣物、飛鳴有革音之期、開提
獲自援之路、當相尋於淨土、解顏於道場、聖不我欺、致果必報、援
筆興言、情迫其概、

羣生因染、六趣牽纏、七識迭用、九居屢遷、劇哉五陰、卷矣四緣、遍
使轉輪、苦根連遶、連遶未已、轉輪在己、四緣雲薄、五陰火起、疊疊
正覺、是極是理、動不傷寂、行不乖止、曉爾長夢、貞爾沈諛、已我神
明、成爾靈智、我無自我、實承其義、爾無自爾、必祛其僞、僞既殊塗、
義故多端、因聲成韻、卽色開顏、望影知易、尋響非難、形聲之外、復
有可觀、觀遠表相、就近暖景、匪質匪空、莫測莫領、倚巖輝林、俯潭
鑒井、借空傳翠、激光發罔、金好冥漠、白豪幽暖、日月居諸、胡靈斯
慨、曾是望悵、擁誠俟對、承風遺則、曠若有槩、敬圖遺縱、疎鑿峻峯、

周流步欄、窈窕房櫳、激波映珎、引月入窻、雲往拂山、風來過松、地勢既美、像形亦篤、彩淡浮色、羣視沈覺、若滅若無、在慕在學、由其潔精、能感靈獨、誠之云孚、惠亦孔續、嗟爾懷道、慎勿中愒、弱喪之推、闢提之役、反路今視、發蒙茲覲、式厲厥心、時逝流易、敢銘靈宇、敬告震錫、

釋藏肥九廣引明集十五

武帝詠

九有同悲、四海等哀、矧伊下臣、思戀徘徊、敢遵前典、式述聖徽、乃作詠曰、

舜潛歷巖、高晦泗渚、龍德而隱、風積乃舉、皇之邇世、屯難方阻、眷此區寰、閔爾淪胥、太元之季、權戚攜薄、隆安之初、主相蒙弱、獄牧糾虔、朝廷紛錯、妖橫乘隙、蛟噴鯨躍、既擾輿區、遂斥帝塵、亂離斯瘼、不後不先、寔賴明哲、授手康旃、紀度迴薄、餘分成閭、舊晉中微、僞楚籍繫、躡彼潛機、整此英陣、推亡必朽、固存斯振、慮循負險、肆

應遐嶺、珍我江豫、迫我臺省、民既搖蕩、國將遷鼎、乘騶歸轅、式固
皇境、弘危濟險、弭難釋殆、虎騎驚盟、舟師漲海、傾穴尋窠、窮幽測
昧、昔去洛汭、息肩江沚、世更十君、年踰百祀、國絕興復、家成桑梓、
荒默莫恤、積國誰恥、夏典載禹、九道是行、商詔述湯、兼攻是桀、勤
彼周流、協此經營、仗鉞伐鼓、赫赫明明、乃敕眾師、竟執戎服、誨已
三略、惠已六韜、雲撤周京、席卷秦郊、復禮前塾、雪愧舊朝、既清西
關、將旋東道、中憩徐豫、兼應燕趙、業盛曩代、惠侔大造、澤及四海、
功格八表、悠悠聲敎、綿綿川陸、北獻酈裘、南貢金竹、暨首冠弁、穿
胸斂服、寒穴欣日、巢栖翫屋、匪惟遐譚、靈物偕就、就是人事、自天
所祐、甘露芝草、祥雲瑞宿、嘉禾連木、素鳥皓獸、昔之所感、謳頌同
音、今之所應、幽顯一心、宋克虞德、晉猶唐欽、曰總八紘、於茲三齡、
四維開張、九流昭明、敦儉務素、欽賢愛蒞、制規作訓、闡校修經、禮
樂已甄、雲雨未弘、將陟井陘、薄歸白登、北朔渴望、飛旌衡輒、東岱

靈遲玉牒金騰、天地不仁、蒼生寡福、已荷一遇、棄我何速、梁顛太
積、甘殞、目賁、同軌畢至、率土咸哀、殊方均服、樂樂素纓、灑淚成雨、
響叫如雷、史臣考卜、高山開基、貞龜無遠、遷靈有期、嗣皇攝標、羣
后崩悲、孰云不戚、痛百在茲、惟祖之父、流火始變、秋月未永、飛漏
急箭、鳴簫哀噉、金觴虛奠、列鵠長隨、發輦華殿、華殿既謝、長隨是
幸、雙蓋躊躇、六閑引領、攀援容親、眷戀俄頃、哀哀百僚、長辭合饌、
奉教百朝、執鞭王始、從履五牧、年歷十祀、天光下濟、謬蒙眷齒、愧
微刀筆、頗預遊止、垂幕侍講、接筵食理、修昭朗夕、登臺泛沼、匪月
匪日、無晏無早、如何一旦、綏邈穹昊、微容未遠、聖靈超然、收淚卽
路、含戚何言、風霜蕭瑟、山海蒼茫、地苦情矜、節速心傷、孰是幽哀、
實戀我皇、情思如環、萱蘇豈忘、蘇文類聚十三又略見
北堂書鈔一百五十八

廬陵王誄

并序

事非淮南、而痛深於中霧、迹非任城、而暴甚於仰毒、託體皇極、銜

怨至盡、豈惟有識傷慨、故亦率土悽心、蓋出罔己之悲、曰陳酸切之事云爾、

哀哀君王、終仁且德、在枉無言、卽罪有默、曾是忍虐、古來一馘身、微咎累、痛踰配毒、何斯禍斯、乃怨乃辱、命如可延、人百有順、矜急景之難、留悼驚波之易淪、自君王之冥漠、歷彌稔於此春、聆鳴禽之響谷、視喬木之陵雲、咸感節而興悅、獨懷悲而莫申、侯射隼於高墉、赫王與日正刑、服二辜於牴狂、致九伐於南荆、發酸痛於仁詔、令寵贈於哀心、布悽愴於帝言、據綱繆於皇音、統文類聚四十五

廬山慧遠法師誄

并序

道存一致、故異化同暉、德合理妙、故殊方齊致、昔釋安公振玄風於關右、法師嗣沫流於江左、聞風而說、四海同歸、爾乃懷仁山林、隱居求志、於是眾僧雲集、勸修淨行、同法餐風、棲遲道門、可謂五百之季、仰紹舍衛之風、廬山之岷、俯傳靈鷲之旨、洋洋乎未曾聞

也。予志學之年，希門人之末，惜哉！誠願弗遂，永違此世。春秋八十有四，義熙十三年秋八月六日薨。案高僧傳作義熙十二年，年八十三，與此異。心功遂身亡，有始斯終，千載垂光。嗚呼哀哉！乃爲誄曰：

於昔安公，道風允被。大法將盡，續網是寄。體靜息動，懷貞整儻。事師曰孝，養徒曰義。仰弘如來，宣揚法雨。俯授法師，威儀允舉。學不闕牖，鑒不出戶。煥燿雖御，默爲葢楚。朗朗高堂，肅肅法庭。旣嚴旣靜，愈高愈清。從容音旨，優游儀形。廣演慈悲，饒益眾生。堂堂其氣，亹亹其資。懸角味道，辭親隨師。供奉三寶，析微辨疑。盛化濟濟，仁德怡怡。於焉問道，四海承風。有心載馳，戒德鞠躬。合聲續振，五濁暫隆。弘道讚揚，彌虐彌冲。十六王子，孺童先覺。公之出家，年未志學。如彼鄧林，甘露潤澤。如彼瓊瑤，旣磨旣琢。大宗戾止，座眾龍集。聿來胥宇，靈寺奚立。舊望研幾，新學時習。公之勛之，載和載輯。乃修什公，宗望交泰。乃延禪眾，親承三昧。眾美合流，可上可大。穆穆

道德超於利害、六合俱石、山崩海竭、日月沈暉、三光寢嘶、眾麓摧
柯、連波中結、鴻化垂緒、微風永滅、嗚呼哀哉、生盡沖素、死增傷悽、
單勢土柳、示同斂骸、人天感悼、帝釋慟懷、習習遺風、依依餘淒、悲
夫法師、終然是棲、室無停響、途有廣蹊、嗚呼哀哉、端本喪尼、哀直
六年、仰慕洙泗、俯憚罽笫、今子門徒、實同斯艱、晨歸虛房、夕泣空
山、嗚呼、法師何時復還、風嘯竹柏、雲靄巖峯、川壑如泣、山林改容、
自昔聞風、志願歸依、山川路邈、心往形違、始終銜恨、宿緣輕微、安
養有寄、閻浮無希、嗚呼哀哉、釋藏經八廣弘明集二十三

雲隆法師誄

并序

夫協理置論、百家未見其是、因心自了、一己不患其躓、而終莫相
辨、我若咸歎、翻淪得拔、竟知於誰、冀行跡立、則善惡靡微、欲聲名
傳、則薰蕕同歇、然意非身之所挫、期出命之所限者、目所親覩、見
之若人矣、慧心則識、發於髫髻、生自豪華、家贏金帛、加呂巧乘騎、

解絲竹、秣絕景於康衢、弄絃管於華肆者、非徒經旬涉朔、彌歷年稔而已、諒趙李之咸陽、程鄧之臨邛矣、旣而永夜獨悟、中飲興歎、日悲夫、欣厭迭來、終歸憂苦、不杜其根、於何超絕、且三界迴沈、諸天倏瞬、況齊景牛山、趙武企陰、催促節物、逼迫霜露、推此願言、伊何能久、慨然有擯落榮華、兼濟物我之志、母氏矜其心、姊弟申其操、遂相許諾、出家求道、一身旣然、閨門離世、妻子長絕、歡娛永謝、豈唯向之靡樂、判之盛年、終古恩愛、於今此別矣、旅舟南遡、投景廬嶽、一登石門香鑪峯、六年不下嶺、僧眾不堪其操、法師不改其節、援物之念、不曰幽居自抗、同學嬰疾、振錫萬里相救、余時謝病、東山承風遙羨、豈望人期、頗曰山招、法師至止、鄙人榮役前詩、敘粗已記之、故不重煩、及中間反山、成說款盡、遂獲接棟重崖、俱泐迴澗、茹芝朮而共餌、披法言而同卷者、再歷寒暑、非直山陽靡喜、愜之容、令升一進已之色、寶明悟幽、微祛滌近、滯蕩吝燥、垢日忘

其疾庶白首同居而乖離無象信順莫歸微集何緣晚節罹疊遠
見參尋至止阻闊音塵殆絕值暑遘疾未旬卽化誠存亡命也此
行頗實有由承因感痛寔百常情紙墨幾時非已斯名蓋欽志節
追感平生自不能默已故投懷援筆其辭曰

仰尋形識俯探理類採聲知律拔茅觀象物已靈異人已智貴卽
是神明觀鑒意謂爰初在稚慧心夙察吐喻芳華懷抱日月如彼
蘭苑風過氣越如彼天倪雲被光發求名約身規操束已儻或遇
世曾未近似生目意泰意管生理孰是歡慰程鄭趙李家畜金網
才練藝技驥首揮霍繁絃綺靡酒娛調促意妍服侈朝迫景曛夕
忌星徙悠悠白日淒淒良夜年往歡流厭來情舍苦樂環迴終卒
代謝棄而更適生速名借誰能易奪何術推移精粗渾淆善惡參
差卽心有限在理莫規試覈眾肆庶獲所窺道家躋近羣流缺遠
假名恆譴傷義豈反獨有兼忘固心則善傷物沈迷羨彼驅遣變

服京師。振錫隨項。長別榮真。永息幽嶺。含華襲素。去繁就省。人苦其難。子取其靜。昏之視明。卽愚成智。之秉情對理。斯涅者。旣弗祛滯。亦安拔子之矜之。爲爾苦節。節苦在己。利貞存彼。已明闇近。目慈累徙。欲已援物。先宜濟此。發軔情違。終然理是。梁鴻攜妻荷篠見子。雞黍接人行。歌通已於世。曰高。於道殊鄙。始見法師。獨絕神理。形壽易盡。然諾難判。乘心卽化。棄身靡歎。懷道彌厲。景命已異。矜物辭山。終身旅館。嗚呼哀哉。魂氣隨之。延陵已了。鳶蠅同施。漆園所曉。委骸空野。豈異豈矯。幸有遺餘。聊給羸鳥。嗚呼哀哉。緬念生平。同幽共深。相率經始。偕是登臨。開石通澗。剔柯疏林。遠眺重疊。近矚峴嶽。事寡地閒。尋微探賸。何句不研。奚疑弗析。帙舒軸卷。藏拔紙襞。問來答往。俾日餘夕。沮溺耦耕。夷齊共薇。跡同心歡。事異意違。承疾懷灼。聞凶慙悲。孰云不痛。零淚沾衣。嗚呼哀哉。行久節移。地邊氣改。終秋中冬。踰桂投海。永念伊人。思深情倍。俯謝

常人仰愧無待嗚呼哀哉

並廣弘明集二十五

謝瞻

瞻字宣遠一名瞻字通遠靈運從兄

案瞻傳云瞻文章與族叔

也攷瞻卒於永初二年年三十五靈運誄於元嘉

仕晉為桓偉

安西參軍楚臺祕書郎解職為劉柳建威長史尋為武帝鎮軍

參軍又為琅邪王大司馬參軍轉主簿安成相中書侍郎宋國

中書黃門侍郎相國從事中郎出為豫章太守永初二年卒有

集三卷

安成郡庭枇杷樹賦

伊南國之嘉木偉邦庭而延樹稟金秋之清條抱東陽之和煦肇

含葩於結霜成炎果平纖露高臨豐首俯拂階路

藝文類聚卷八十七

臨終遺弟晦書

吾得敗體幸全歸骨山足亦何所多恨弟思自勉厲為國為家

宋書

謝瞻傳又略

見南史十九

紫石英讚見宋書謝瞻傳亡

謝瞻

瞻字宣明，瞻弟。仕晉爲孟昶建威中兵參軍，又爲武帝太尉參軍，署刑獄賊曹，轉豫州治中從事，入爲太尉主簿，轉從事中郎。宋臺建爲右衛將軍，加侍中，宋受禪，遷中領軍，目佐命功，封武昌縣公，轉領軍將軍，散騎常侍。少帝卽位，加領中書令，尋與徐羨之、傅亮行廢立，出爲都督荆湘雍益寧南北秦七州諸軍事，撫軍將軍，領護南蠻校尉，荊州刺史。文帝卽位，加使持節，尋進號衛將軍，加散騎常侍。元嘉三年，舉兵拒命，爲檀道濟所破，伏誅。案何承天傳云：瞻將見討，使承天造立表檄，則瞻傳所載之二表及檄當編入承天集中。

悲人道

悲人道兮，悲人道之實難。哀人道之多險，傷人道之寡安。懿華宗

之冠冑固清流而遠源樹文德於庭戶立操學於衡門應積善之餘祐當履福之所延何小子之兇放實招禍而作愆值革變之大運遭一顧於聖皇參謀猷於物物贊帝制於宏綱出治戎於禁衛入關言於帷房分河山之珪組繼文武之龜章稟顧命於西殿受遺寄於御牀伊懦劣其無節實懷此而不忘荷隆遇於先主欲報之於後王憂託付之無效懼愧言於存亡謂繼體其嗣業能增輝於前光居邊密之未幾越禮度而緬荒普天壤而殞氣必社稷之淪喪矧吾儕之體國實啟處而匪遑藉億兆之一志固昏極而明彰諒主尊而民晏信卜祚之無疆國旣危而重構家已衰而載冒獲扶顛而依杏冀世道之方康朝褒功曰疏爵祇命服於西蕃奏蕭管之嘈囋擁朱旄之赫煥臨八方曰作鎮響文武之桓桓鴈薄弱曰爲政實忘食於日旰豈申甫之敢慕庶惟宋之屏翰甫逾歷其三稔實周回其未再豈有慮於內

錄四字

其云裁痛夾輔

之二宰、竝加辟而靡貸、哀弱息之從禍、悲發中而心痠、伊荆漢之
良彥、逮文武之子民、見忠貞而弗亮、覩理屈而莫申、皆義槩而同
憤、咸荷戈而競臻、浮軸牖之奕奕、陳車騎之憐憐、觀人和與師整、
謂茲兵其誰陳、庶亡魂之雪怨、反涇渭於彝倫、齊輕舟於江曲、殄
銳敵其皆湮、勒陸徒於白水、寇無反於隻輪、氣有隄而益壯、威既
肅而彌振、嗟時哉之不與、迕風雨而踰旬、我謀戰而不克、彼繼奔
其躡塵、乏智勇之奇正、忽孟明而是適、苟成敗其有數、豈怨天而
尤人、恨矢石之未竭、遂摧師而覆陳、誠得喪之所遭、固當之其無
吝、徒同懷之弱子、橫遭罹之殃、黷智未窮而事傾、力未極而莫振、
誓同盡於鋒鏑、我怯劣而愆信、愍弟姪之何辜、實吾咎之所嬰、謂
九夷其可處、思致免已全生、儼性命之難遂、乃窘繼於邊亭、亦何
忤於天地、備艱危而是丁、我聞之於管誥、功彌高而身蹶、霍芒刺
而幸免、卒傾宗而滅族、周嘆貴於獄吏、終下蕃而靡鞠、雖明德之

大賢亦不免於殘戮懷今憚而忍人忘向惠而莫復續無賞而震
主將何方曰自牧非盼石之圓照孰運禍曰取福著殷鑑於自古
豈獨嘆於季叔能安親而揚名諒見稱於先哲保歸全而終孝傷
在余而皆缺辱歷世之平素忽盛滿而傾滅惟蒸嘗與灑埽痛一
朝而永絕問其誰而爲之寔孤人之險戾是有踰於丘山雖百死
其何雪羈角偃兮衡閭親朋友兮平義雖履尚兮不一隆分好兮
情寄俱憚耕兮從祿覩世道兮艱諛規志局兮功名每謂之兮爲
易今定諡兮闔棺慙明智兮管讖雖待盡兮爲恥簞厚顏兮靡寧
長揖兮數子謝爾兮明智百齡兮浮促終焉兮則克臥盡兮斧斤
理命兮同得世安彼兮非此豈曉分兮辨惑御莊生之達言請承
風曰爲則

宋書謝晦傳

謝元

元字有宗靈運從祖弟元嘉中爲殿中書郎領祠部累遷尙書

左丞除太尉諮議參軍未拜爲何承天所劾免有集一卷

掖庭有故不舉緊議

遵依禮傳使有司行事於義爲安

宋書禮志四元嘉七年四月殿中書郎顧嗣宗謝元議詔可

刑法議

謂宜先治其本然後其末可理本所已探士大夫於符而末所已檢小人邪可使受檢於小人邪士犯坐奴是士庶天隔則士無弘庶之由已不知而押之於伍則是受檢於小人也然則小人有罪士人無事僕隸何罪而令坐之若已實相交關貴其間察則意有未因何者名實殊章公私異令奴不押符是無名也民乏貲財是私賤也已私賤無名之人豫公家有貲之任公私混淆名實非允由此而言謂不宜坐還從其主於事爲宜無奴之士不在此例若士人本檢小人則小人有過已應獲罪而其奴則義歸戮僕然則無奴之士未合宴安使之輸贖於事非謬二科所附惟制之本耳

此自是辨章二本欲使各從其分至於求之管見宜附前科區別
士庶於義爲美盜制按左丞議士人旣終不爲兵革幸可同寬宥
之惠不必依舊律於議咸允

宋書王弘傳

賜進士出身一品銜廣東等處提刑按察使司按察使兼管驛傳事務黃岡王觥榮校刊

全宋文卷三十四

烏程嚴可均校輯

謝惠連

惠連、靈運族弟、本州辟主簿、不就。元嘉中、爲司徒彭城王義康法曹參軍、有集六卷。

雪賦

歲將暮、時旣昏、寒風積、愁雲繁、梁王不悅、游於兔園、迺置旨酒、命賓友、召鄒生、延枚叟、相如未至、居客之右、俄而微霰零、密雪下、王迺歌、北風於衛詩、詠南山於周雅、授簡於司馬大夫曰、抽子秘思、騁子妍辭、俾色揣稱、爲寡人賦之、相如於是避席而起、逡巡而揖曰、臣聞雪宮建於東國、雪山峙於西域、岐昌發詠於來思、姬滿申歌於黃竹、曹風曰、麻衣比色、楚謠曰、幽蘭儷曲、盈尺則呈瑞於豐年、袤丈則表沴於陰德、雪之時義遠矣哉、請言其始、若迺玄律窮

巖氣升、焦溪涸、湯谷凝、火井滅、溫泉冰、沸潭無湧、炎風不興、北戶
 瑾扉、裸壤垂緇、於是河海生雲、朔漠飛沙、連氛累霧、揜日黯霞、霰
 淅瀝而先集、雪紛糅而遂多、其爲狀也、散漫交錯、氛氲蕭索、謫謫
 浮浮、漣漣弈弈、聯翩飛灑、徘徊委積、始緣甃而冒棟、終開簾而入
 隙、初便娟於墀廡、未縈盈於帷席、旣因方而爲珪、亦遇圓而成璧、
 眇隰則萬頃同縞、瞻山則千巖俱白、於是臺如重壁、逵似連璐、庭
 列瑤階、林挺瓊樹、皓鶴奪鮮、白鵲失素、紉袖慙冶、玉顏掩塲、若迺
 積素未虧、白日朝鮮、爛兮若燭龍銜耀、照崑山、爾其流滴垂冰、緣
 甍承隅、粲兮若馮夷剖蚌列明珠、至夫繽紛繁縈之貌、皓汙曠絜
 之儀、迴散縈積之勢、飛聚凝曜之奇、固展轉而無窮、嗟難得而備
 知、若迺申娛翫之無已、夜幽靜而多懷、風觸楹而轉響、月承幌而
 通暉、酌湘吳之醇酎、御狐貉之兼衣、對庭出之雙舞、瞻雲雁之孤
 飛、踐霜雪之交積、憐枝葉之相暹、馳遙思於千里、願接手而同歸、

鄒陽聞之、憮然心服、有懷妍唱、欲接末曲、於是迺作而賦積雪之
歌、歌曰、攝佳人兮披重帷、援綺衾兮坐芳綈、燎薰爐兮炳明燭、酌
桂酒兮揚清曲、又續而爲白雪之歌、歌曰、曲既揚兮酒既陳、朱顏
酡兮思自親、願低帷以昵枕、念解珮而褫紳、怨年歲之易暮、傷後
會之無因、君寧見階上之白雪、豈鮮耀於陽春、歌卒、王迺尋繹吟
翫、撫覽扼腕、顧謂枚叔、起而爲亂、亂曰、白羽雖白、質已輕兮、白玉
雖白、空守貞兮、未若茲雪、因時興滅、玄陰凝不昧其潔、太陽曜不
固其節、節豈我名潔、豈我貞、憑雲陞降、從風飄零、植物賦象、任地
班形、素因遇立、污隨染成、縱心皓然、何慮何營、文選 枚
文類聚 二

甘賦

嘉寒園之麗木、美獨有此貞芳、賈歲蕤而懷風、性耿介而凌霜、擬
夕霞以表色、指朝景以齊圓、侔萍實乎江介、超玉英於崑山、傾子
節兮相之區、承君翫兮堂之隅、濯雨兮冒霜、長無絕兮芬敷、文選
類聚

八十六 楊學
記二十八

橘賦

園有嘉樹、橘柚煌煌、圓丹可翫、清氣芬芳、受日玉盤、升君子堂、味

既滋而事美、實厥苞之最良、藝文類聚 八十六

鴻鵠賦

覽水禽之萬類、信莫麗乎鴻鵠、服昭晰之鮮姿、糅玄黃之美色、命

儔旅、曰翱翔、憩川湄而偃息、超神王、曰自得、不意虞人之在側、網

羅幕而雲布、摧羽翮於翩翩、乖沈浮之諧豫、宛羈畜於籠樊、藝文類聚 九十

二

白鷺賦

有提焚而見獻、是振鷺之鮮禽、表弗緇之素質、挺樂水之奇心、藝文類聚 九

十二

雪贊

氣徧雷繁年豐雪積彼屬我和爾素子白其德懿矣玩之庭隙

陋瑤臺暫踐盈尺

蘇文類聚二

四海贊

九夷六蠻八狄七戎彫鏤異寶雲羸殊風致之曰德車軌斯同

記六

琴贊

嶧陽孤桐裁爲鳴琴體兼九絲聲備五音重華載揮曰養民心孫

登是玩取樂山林

魏文類聚四十六

白羽扇贊

唯茲白羽體此皎絜涼濟清風素同冰雪其儀可貴是用玩悅揮

之衿袖曰御炎熱

魏文類聚六十九初學記二十五

仙人幃贊

并序

余之中園有仙人草焉春頴其苗夏秀其英秋有眞實冬無凋色

可謂貫四時而不改者也。既嘉其名而美其質，染筆作詠，庶曰據述云。

園有嘉草，名曰仙人。晔晔煒煒，莫莫璚璚。穎發炎暑，苗秀和春。寄爾靈質，乃植中鄰。藝文類聚八十一

松贊

松惟靈木，擬心雲端。跡絕玉除，形寄青巒。子欲我知，求之歲寒。藝文類聚八十八

類聚八十八

連珠

蓋聞獻技者易忽，養德者難致。是曰子張重跡，不獲哀公之祿。干木偃息，不受文侯之位。

蓋聞機心難湛，不接異類。淳德易孚，可狎殊方。是曰高羅舉而雲鳥降，海人萃而水禽翔。

蓋聞春蘭早芳，實忌鳴鵠。秋菊晚秀，無憚繁霜。何則？榮乎始者易

懷貞乎末者難傷是昌傳長沙而志沮登金馬而名揚

蓋聞修己知足慮德其逸競榮昧進志忘其寢是日飲河滿腹而

求安愈泰緣木務高而畏下滋甚藝文類聚五十七

日箴

氣之清明雙眸善識唯道是視瞻彼正直藝文類聚十七

口箴

宜納之由是伊樞機唯舌是出馳驅安追差釐千里君子慎微何

用口爽信在甘肥藝文類聚十七

祭禹廟文

謹遣左曹掾奉水土之羞敬薦夏帝之靈咨聖繼天載誕英微克

明克哲知章知微運此宏謨邇彼民憂身勞五岳形疲九州呱呱

弗顧虔虔是欽物貴尺璧我重寸陰乃錫玄圭日告成功虞數既

改夏德乃隆臨朝總政巡國觀風淹留稽嶺乃徂行宮恭司皇役

敬屬睟融神且略薦乃昭其忠

藝文類聚
三十八

爲學生祭周居士文

維君陶冶化之純元俾先哲之遐蹤體無事於高尚蹈虛素乎中庸不臣天子不事諸侯公辟弗盼王命匪酬窮歡極樂帶索披裘

藝文類聚
三十七

祭古冢文

并序

東府掘城北墜入丈餘得古冢上無封域不用塼甃目木爲槨中有二棺正方兩頭無和明器之屬材瓦銅漆有數十種多異形不可盡識刻木爲人長三尺許可有二十餘頭初開見悉是人形已物根機之應手灰滅棺上有五銖錢百餘枚水中有甘蔗節及梅李核瓜瓣皆浮出不甚爛壞銘誌不存世代不可得而知也公命城者改埋於東岡祭之曰豚酒既不知其名字遠近故假爲之號曰冥漠君云爾

元嘉七年九月十四日。司徒御屬領直兵令史統作城錄事臨漳
令亭侯朱林具豚醪之祭敬薦冥漠君之靈。忝摠徒旅板築是司
窮泉爲壟聚壤成基。一槨旣啟雙棺在茲。拾春悽愴縱鋪漣而芻
靈已毀塗車旣摧。几筵糜腐俎豆傾低。盤或梅李盎或醢醢。庶傳
餘節瓜表遺屣。追惟夫子生自何代。曜質幾年潛靈幾載。爲壽爲
夭。寧顯靈晦。銘誌湮滅。姓氏不傳。今誰子後。曩誰子先。功名美惡
如何。蔑然百堵皆作。十仞斯齊。墉不可轉。壘不可迴。黃腸旣毀。便
房已殯。循題興念。撫脩增哀。射聲垂仁。廣漢流渥。祠骸府阿。掩骼
城曲。仰羨古風。爲君改卜。輪移北隍。窀穸東麓。壙卽新營。棺仍舊
木。合葬非古。周公所存。敬遵昔義。還附雙魂。酒曰兩壺。牲曰特豚。
幽靈髣髴。歆我犧樽。嗚呼哀哉。文選 裁文類聚四
十御覽五百二十六

謝莊一

莊字希逸。靈運從子。初爲始興王浚後軍法曹參軍。轉太子舍

人廬陵王文學太子洗馬中舍人廬陵王紹南中郎諮議參軍
又轉隨王誕後軍諮議並領記室除太子中庶子元凶弒立轉
司徒左長史孝武卽位除侍中遷左衛將軍拜吏部尚書免大
明初起爲都官尚書補選職遷右衛將軍加給事中又爲侍中
領前軍將軍改領游擊將軍又領本州大中正晉安王子勛征
虜長史廣陵太守加冠軍將軍改爲江夏王義恭太宰長史又
爲吏部尚書領國子博士坐事免新安王子鸞拔爲長史隨府
轉撫軍長史臨淮太守前廢帝卽位召爲金紫光祿大夫明帝
卽位召爲散騎常侍光祿大夫領尋陽王師轉中書令尋加金
紫光祿大夫泰始二年卒諡曰憲子有集十九卷

月賦

陳王初喪應劉端憂多暇綠苔生閣芳塵凝榭悄焉疚懷不怡中
夜迺清蘭路肅桂苑騰吹寒山弭蓋秋阪臨濬壑而怨遙登崇岫

而傷遠於時斜漢左界北陸南躔白露暖空素月流天沈吟齊章
殷勤陳籍抽毫進賦召命仲宣仲宣跪而稱曰臣東鄙幽介長自
丘樊昧道慙學孤奉明恩臣間沈潛既義高明既經日召陽德月
召陰靈擅扶光於東沼嗣若英於西冥引玄兔於帝臺集素娥於
后庭朧朧警闕朧朧示冲順辰通燭從星澤風增華台室揚采軒
宮委照而吳業昌淪精而漢道融若夫氣霽地表雲斂天末洞庭
始波木葉微脫菊散芳於山椒雁流哀於江澗升清質之悠悠降
澄輝之藹藹列宿掩綵長河韜映柔祇雪凝圓靈水鏡連觀霜縞
周除冰淨君王迺厭晨懼樂宵宴收妙舞弛清縣去燭房卽月殿
芳酒登鳴琴薦若迺涼夜自淒風篁成韻親懿莫從羈孤遽進聆
皋禽之夕聞聽朔管之秋引於是絃桐練響音容選和徘徊房露
惆悵陽阿聲林虛籟淪池滅波情紆軫其何託愬皓月而長歌歌
曰美人邁兮音塵闕隔千里兮共明月臨風歎兮將焉歇川路長

今不可越歌響未終餘景就畢滿堂變容迴遑如失又稱歌曰月
既沒兮露欲晞歲方晏兮無與歸佳期可已還微霜霑人衣陳王
曰善迺命執事獻壽羞璧敬佩玉音復之無數

文選 魏
文類聚一

曲池賦

北山兮黛柏南谿兮蘋仄蘋岸兮若虹黛樹兮如畫暮雲兮十里
朝霞兮千尺步東池兮夜未久臥西窗兮月向出引一息於魂內
擾百緒於眼前

魏文類
聚九

赤鸚鵡賦應詔

徒觀其柔儀所踐蘋藻所挺華景夕映容光晦鮮慧性昭和天機
自曉審國音於寢中達方聲於遐表及其雲移霞峙霞委雪翻陸
離翬漸容奇鴻軒躍林飛岫煥若輕電溢烟門集場棲圖騰若天
桃被玉園至於氣瀟體淨霧下崖沈月圓光於綠水雲寫影於青
林遡還風而聳翩需清露而調音

魏文類聚九十一初學記三十
案宋書謝莊傳元嘉二十九年

南平王蘇獻赤驄
鷄普詔羣臣爲賦

禎流凱域祥發鵬溟

初學
記六

舞馬賦應詔

天子馭三光、總萬寓、抱雲經之甯憲、裁河書之遺矩、是已德澤上
昭天而下漏泉、符瑞之慶咸屬、榮懷之應必蹕、月晷呈祥、乾維效
氣、賦景河房、承靈天駟、陵原郊而漸影、躍采淵而泳質、辭水空而
南徠、去輪臺而東泊、乘玉塞初學記作
登壁門而歸寶、奄芝庭而獻祕、及
其養安騏校、進駕龍涓、輝大馭於國阜、賁上襄於帝閑、超益野而
踰綠地、軼蘭池而轢紫燕、五王晦其術、孫氏憚其玄、東門豈或狀
西河不能傳、旣秣芑已均性、又佩蘅日崇燭、卷雄神於綺文、蓄奔
容於帷燭、蘊籥雲之銳景、戢追電之逸足、方疊鎔於丹鏡、亦聯煥
於朱駁、觀其雙壁應範、三封中圖、玄骨漸、燕室虛、陽理竟、潛策紆、
汗飛赭、沫流朱、至於肆夏已升、采齊旣薦、始徘徊而龍俛、終沃若

而鸞盼迎調露於飛鍾、赴承雲於驚箭、寫秦垌之弭塵、狀吳門之曳練、窮虞庭之蹈蹠、究遺野之環袪、若夫躋實之態未卷、凌遠之氣方攄、歷岱野而過碣石、跨滄流而軼姑餘、朝送日於西坂、夕歸風於北都、尋瓊宮於倏瞬、望銀臺於須臾、若乃日宣重光、德星昭衍、國稱梁岱、佗仁蹕、史言壇場望踐、部上之瑞彰、江間之禎聞、榮鏡之運既臻、會昌之厯已辨、感五絲之程符、鑒羣后之薦典、聖主將有事於東嶽禮也、於是順斗極、乘次躔、戒懸日於昭旦、命月題於上年、騑騑翼翼、泛修風而浮慶煙、肅肅雍雍、引八神而詔九仙、下齊郊而掩配林、集羸里而降祐田、蒲軒次嶽、瑄壁承巒、金榆茲發、玉牒斯刊、盛節之義洽、升中之禮殫、億兆悅、精祇歡、聆萬歲於會岫、燭神光於紫壇、是曰擊轅之蹈、撫埃之舞、相與而歌曰、聳朝蓋兮、泛晨霞、靈之來兮、雲漢華、山有壽兮、松有茂、祚神極兮、貺皇家、然後悟聖朝之績、號慶榮之烈、比盛乎天地、爭明乎日月、茂實冠

於胥庭鴻名邁於助發業底於告成道臻平報識巍巍乎蕩蕩乎
民無得而稱焉
宋書謝莊傳河南獻舞馬詔羣臣爲賦
又見藝文類聚九十三初學記二十九

雜言詠雪

火洲滅日壑清龍關沙蒸河微雲驚暑未沈而井閤寓方霽而海
溟始益甚已藪轉終徘徊而烟曳狀素鏡之晨光寫金波之夜睽
藝文類聚二

山夜憂吟

庭光盡山明歸流風乘軒卷明月綠河飛淵鳥鳴今夜蟬清橘露
靡兮蕙煙輕凌別浦兮值泉躍經喬林兮遇援驚南皋別鶴佇行
漢東鄰孤管入青天沉痾白髮共急日朝露過隙詎賒年年去今
髮不還金膏玉液豈畱顏迴船折繩戶收棹掩荆關
藝文類聚七

懷園引

鴻飛從萬里飛飛河岱起辛勤越霜露聯翩泝江汜去舊國遠舊

鄉舊海悠且長、迴首瞻東路、延嗣向秋方、登楚都、人楚關、楚地蕭
瑟、楚山寒、歲去冰未已、春來雁不還、風蕭幌、今露濡庭、漢水初綠、
柳葉青、朱光藹、藹雲英、英離禽、啾啾又晨鳴、菊有秀、今松有蕤、憂
來年去容髮衰、流陰逝景不可追、臨堂危坐、悵欲悲、試託意、今向
芳蓀、心綿綿、今屬荒樊、想綠蘋、今已冒沼、念幽蘭、今已盈園、天桃
晨暮發、春鶯旦夕喧、青苔蕪石路、宿草塞蓬門、魏文類聚
六十五

泰始元年改元大赦詔

高祖武皇帝德洞四瀛、化綿九服、太祖文皇帝、已大明、定基、世祖
孝武皇帝、已下武寧、亂日月所照、梯山航海、風雨所均、削衽襲帶、
所已業、固盛漢、聲溢隆周、子業、凶歸自天、忍悖成性、人面獸心、見
於鄙日、反道敗德、著自比年、其狎侮五常、怠棄三正、矯誣上天、毒
流下國、寔開闢所未有、書契所未聞、再罹過密、而無一日之哀、齊
斬在躬、方深北里之樂、虎兕難區、惡河必彰、遂誅滅上宰、窮聖逆

紫宋書
我作論

之酷虐害國輔，究孥戮之刑。子鸞同生，已昔憾殄殲，敬猷兄弟已
睚眦殲夷，徵逼義陽，將加屠脔，陵辱戚藩，橫楚妃主，奪立左右，竊
子置儲，肆酬於朝，宣淫於國，事穢東陵，行汙飛走，積愆罔極，日月
滋深，比遂圖犯玄宮，志窺題湊，將肆梟獍之禍，騁商頓之心，又欲
鳩毒崇憲，虐加諸父，事均宮闈，督徧國都，鳴梟小豎，莫不寵暱，朝
廷忠誠，必加戮挫，收掩之旨，虓虎結轍，掠奪之使，白刃相望，百僚
危氣，首領無有，全地萬姓，崩心，妻子不復相保，所已鬼哭山鳴，星
鉤血降，神器殆於馭索，景祚危於綴冕，朕假寐凝憂，泣血待旦，慮
大宋之基，於焉而泯，武文之業，將墜於淵，賴七廟之靈，藉八百之
慶，巨猾斯殄，鴻沴時褰，皇綱絕而復紐，天緯缺而更張，猥已寡薄，
燭承乾統，上緝三光之重，俯顧庶民之艱，業業矜矜，若履冰谷，思
與億兆，同此維新，可大赦天下，改景和元年爲泰始元年，賜民爵
二級，鰥寡孤獨，不能自存者，穀人五斛，逋租宿債，勿復收，犯鄉我

清議賊汚淫盜並悉洗除長徒之身特賜原遣亡官失爵禁錮舊
勞一依舊典其昏制謬封並皆刊削宋書明帝紀案南史謝莊傳
明帝定亂使爲赦詔傳詔立
符詔成其
文甚工

賜進士出身二品銜廣東等處提刑按察使司按察使兼管驛傳事務黃岡王毓藻校刊

全宋文卷三十五

烏程嚴可均校輯

謝莊二

爲北中郎新安王拜司徒章

不惟震施罔匱鴻慶方稠變調之重遂臻非據智小謀大周家興
規少陽微暄有鑒前史辨其動植布其安擾曰倡九牧阜成王敘
豈臣眇末所能克荷

藝文類聚四十七

又爲北中郎謝兼司徒章

臣聞變理陰陽寅亮天地弗惟其官無人則闕司徒掌敷五典職
擾兆民豈悟乾靈罔遺光渥方闡不次之任殊絕藩岳豈可權尸
三事假備六符懸震周迴願步交悸

藝文類聚四十七初學記十一御覽二百八

慶皇太子元服上至尊表

伏惟皇太子殿下明兩承乾元良作貳抗法遷身英華自遠樂日

修中禮目治外三善克懋德成敘尊今日吉辰顯加元服對靈祇

之望儔上庠之歡率天罄世莫不載躍

藝文類聚十六初學記十

皇太子元服上皇太后表

離景承宸樞光階極毓問東華飛英上序樂正歌風司成頌德清

明神鏡溫文在躬練日簡辰顯備元服懋三王之敘燭少陽之重

藝文類聚十六初學記十

爲東海王讓司空表

臣側觀前載與窺洪典三事之授惟帝其難臣乘少籍長久分踰

涯量出滿入泰每究榮光不悟乾燭方遠義路同遺下參弘化上

戶變理自非德仞具瞻聲堪民詠未有妄臻此澤空集茲靈

藝文類聚十六初學記十

四十

讓吏部尚書表

招才琴鈞之上取士歌牧之中終能克夷景命榮懷萬宇豈容先

私首曲近有經過且不習冠制趙客興驚未間統馭鄭臣有規匪
痾身譏載文類聚四十八

上搜才表

臣聞功照千里非特燭車之珍德柔鄰國豈徒祕璧之貴故詩稱
殄瘁誓述榮懷用能道臻無積化至恭己伏惟陛下膺慶集圖締
寓開縣夕爽選政尺旦調風采言廡輿觀謠仄遠斯實辰階告平
頌聲方製臣竊惟隆陂所漸治亂之由何嘗不興資得木替因失
士故楚書曰善人爲寶虞典曰則哲爲難進選之軌旣弛中代登
造之律未闡當今必欲崇本康務庇民濟俗匪更愆愆奚取九成
夫才生於時古今豈貳士出於世屯泰焉殊四語從南史補升麻中陽英
賢起於徐沛受籙白水茂異出於荆宛靈二都智之所產七隕才
之所集實遇與不遇用與不用耳今大道方亨萬務俟德而九服
之曠九流之艱提鈞懸衡委之選部一人之鑒易限而天下之才

難原曰易限之鑒鏡難原之才使國罔遺授野無滯器其可得乎
昔公叔與俱同升管仲取臣於盜趙文非私親疏嗣祁奚豈詔讐
比子茹茅曰彙作範前經舉爾所知式昭往牒且自古任薦賞罰
弘明成子舉三哲而身致魏轍應侯任二士而已捐秦相白季稱
冀缺而疇曰田采張勃進陳湯而坐曰襦飯此先事之盛準亦後
王之彝鑒如臣愚見宜普命大臣各舉所知臣付尙書依分銓用
若任得其才舉主延賞有不稱職宜及其坐重者免黜輕者左遷
被舉之身加曰禁錮年數多少隨愆議制若犯大辟則任者刑論
又政平訟理莫先親民親民之要定歸守宰故黃霸治潁川累稔
杜畿居河東歷載或就加恩秩或入崇輝寵今蒞民之職自非公
私必應代換者宜遵六年之制進獲章明庸憤退得民不勤擾如
此則下無浮謬之愆上靡棄能之累考績之風載秦櫟薪之歌克
員臣生屬亨路身漸鴻猷遂得奉詔左右陳愚於側敢露芻言懼

氣恆曲

宋書謝莊傳又南史二十通典十四

讓中書令表

伏惟陛下登遐震維、臨齊睿政、澤與風翔、恩從雲動、臣聞璧門天
遽、鳳沼神深、絲綸王言、出納帝命、自非望允、當時與宣、庠塾未有
謬垂曲寵、空席茲榮、在於年壯、猶不可勉、況今綿痼、百志俱淪、
類聚四十八初學記十一御覽二百二十

謝賜貂裘表

臣莊言、主衣黃達宣敕、賜臣貂裘、匪發衽間、玄華有曜、靡毫柔霏、
黼黻自凝、固已綵越綴、翬光逾緝、燕臣間嘽笑、不妄韓裳、勿假績
已昭庸、楚繡爰述、臣歡抃自歌、而同委衿之澤、勤勞未報、而叨解
裘之寵、空荷榮施、徒賁微軀、承殊恩必識服、已淪生銘悅之情、罔
知所宣、臣受假無由、躬拜謹遣表、
初學記二十六
爲八座太宰江夏王表請封禪

江淮鄙上之使結軌於壁門西鶴北采之譯相望於道路初學記十三

案宋書臧志三有江夏王義恭表無此四語疑宋志有刪節或各是一篇也今別以宋志所載之表編入義恭集俟再攷又張溥本有上封牒從注奏今據宋書臧志三

作有司奏或非謝莊也編入宋書名文

為尙書八座奏封皇子邵王

臣聞桐珪陸親書河汾之策賜帶懷賢敬東平之祚諒曰訓經終始義洽垣墉第某皇弟等器彩明敏令識穎悟並宜憲章前典光

啟祚宇作屏王室武雍帝載臣等參議可封邵王藝文類聚五十一

為尙書八座奏改封郡長公主

臣聞爵厚懿戚國之恆典景祚既新禮與時渥永興等七公主可

封郡長公主藝文類聚五十一

申言節儉詔書事

詔云貴戚競利興貨塵肆者悉相禁制此實允惡民聽其中若有犯違則應依制裁糾若廢法申恩便為令有所屈此處分伏願深

思無緣明詔既下而聲實乖爽臣愚謂大臣在祿位者尤不宜與民爭利不審可得在此詔不拔葵去織實宜深弘

宋書謝非傳

奏改定刑獄

臣聞明慎用刑厥存姬典哀矜折獄實暉呂命罪疑從輕既前王之格範寔失弗經亦列聖之恆訓用能化致升平道臻恭己逮漢文傷不辜之罰除相坐之令孝宣倍深文之吏立鞠訊之法當是時也號令刑存陛下踐位親臨聽訟億兆相賀已爲無冤民矣而比囹圄未虛頌聲尙缺臣竊謂五聽之慈弗宣於宰物三宥之澤未洽於民謠頃年軍旅餘弊劫掠猶繁監司計獲多非其實或規免咎不慮國患楚對之下鮮不誣慝身遭鈇鑕之誅家嬰孥戮之痛比伍同閑莫不及罪是則一人罰謬坐者數十昔齊女告天臨淄臺殞孝婦冤戮東海愆陽此皆符變靈祇初咸景緯臣近兼訊見重囚八人旋觀其初死有餘罪詳察其理實並無辜恐此不少

誠可怵惕也。舊官長竟囚畢，郡遣督郵案驗，仍就施刑。督郵賤吏，非能異於官長，有案驗之名，而無研究之實。愚謂此制宜革。自今入重之囚，縣考正畢，日事言郡，并送囚身委二千石親臨覈辦，必收聲吞釁，然後就戮。若二千石不能決，乃度廷尉、神州統外移之。刺史、刺史有疑，亦歸臺獄，必令死者不怨，生者無恨。庶鬻棺之諺，輟歎於終古；兩造之察，流詠於方今。臣學闇申韓，才寡治術，輕陳庸管，懼乖國憲。宋書謝莊傳又略見通典一百六十四

索虜互市議

臣愚曰：爲儒儉棄義，唯利是視，關市之請，或曰覘國順之示弱，無明柔遠，距而觀釁，有足表彊。且漢文和親，豈止彭陽之寇？武帝修約，不廢馬邑之謀。故有餘則經略，不足則閉關。何爲屈冠帶之邦，通引弓之俗，樹無益之軌，招塵垢之風，交易爽議，旣應深杜，和約詭論，尤宜固絕。臣庸管多蔽，豈識國儀，恩誘降逮，敢不披盡。宋書謝莊

傳

密詣世祖啟事

賊劬自絕於天、裂冠毀冕、窮弑極逆、開闢未聞、四海泣血、幽明同憤、奉三月二十七日檄、聖迹昭然、伏讀感慶、天祐王室、叙哲重光、殿下文明在嶽、神武居陝、肅將乾威、翼行天罰、滌社稷之仇、雪華夷之恥、使弛墜之構、更獲締造、垢辱之恥、復得明且、伏承所命、柳元景、司馬文恭、宗慤、沈慶之等、精甲十萬、已次近道、殿下親董銳旅、授律繼進、荆郢之師、岷漢之眾、舳艫萬里、旌旆虧天、九土冥符、羣后畢會、今獨夫醜類、曾不盈旅、自相暴殄、省閭橫流、百僚屏氣、道路目目、檄至輒布之京邑、朝野同欣、里頌塗歌、室家相慶、莫不望景聳魂、瞻雲佇足、先帝日月之光、照臨區寓、風澤所漸、無幽不洽、況下官世荷寵靈、叨恩踰量、謝病私門、幸免虎口、雖志在投報、其路無由、今大軍近次、永清無遠、欣悲踊躍、不知所裁、宋書謝莊傳

與江夏王義恭牋

下官凡人非有達槩異識俗外之志實因羸疾常恐奄忽故少來無意於人間豈當有心於崇達邪頃年乘事回轍遂果饗非次既是貽誚明時又亦取愧朋友前已聖道初開未遑引退及此諸夏事寧方陳微請款志未伸仍荷今授被恩之始具披寸心非惟在己之尤實懼塵穢彝序稟生多病天下所悉兩脅癱疾殆與生俱一月發動不減兩三每至一惡痛來逼心氣餘如絛利患數年遂成痼疾吸吸惛惛常如行尸恆居死病而不復道者豈是疾痊直已持恩深重思答殊施牽課庭察已綜所忝服患五月來便不復得夜坐恆閉帷避風日晝夜惛惛爲此不復得朝謁諸王慶弔親舊唯被敕見不容停耳此段不堪見賓已數十日持此苦生而使銓綜九流應對無方之訴實山聖慈罔已然當之信自苦劇若才堪事任而體氣休健承寵異之遇處自效之塗豈苟欲思閑辭事

邪家素貧弊宅舍未立兒息不免羸癯而安之若命寧復是能忘微祿正目復有切於此處故無復他願耳今之所希唯在小閤下官微命於天下至輕在己不能不重屢經披讀未蒙哀恕良由誠淺辭訥不足上感家世無年亡高祖四十曾祖三十二亡祖四十七下官新歲便三十五加目疾患如此當服幾時見聖世就其中煎懷若此實在可矜前時曾啟願三吳敕旨云都不須復議外出莫非過恩然亦是下官生運不應見一閑逸今不敢復言此當付之來生耳但得保餘年無復物務少得養病此便是志願永畢在衡門下有所懷動止必聞亦無假居職患於不能裨補萬一耳識淺才常羸疾如此孤負主上擢受之恩私心實自哀愧入年便當更申前請目死自固但庸近所訴恐未能仰徹公恩盼弘深相照誠懇願侍坐言次賜垂拯助則苦誠至心庶獲哀允若不蒙降祐下官當於何希冀耶仰憑愍察願不垂愴

宋書謝莊傳孝建元年拜吏部尚書莊素多疾

不願居選部與大司馬江貞
王義恭自陳又南史二十
爲朝臣與雍州刺史袁顥書

夫夷陂相因興革遞數或多難而固其國或殷憂而啟聖明此既
著於前史亦彰於聞見王室不造昏凶肆虐神鼎將淪宗稷幾泯
幸天未亡宋乾歷有歸主上體自聖文繼明作睿而辱均牖里屯
踰夏臺旣天地俱憤義勇同奮尅殄鯨鯢三靈更造應天順民爰
集寶命四海屬息肩之歡華戎見來蘇之泰吾等獲免刀鋸僅全
首領復身奉惟新命承亨運緩帶談笑擊壤聖世汝雖劬勞於外
迹阻京師然心期所寄江漢何遠自九江告變皆謂鄧氏狂惑比
日國言藉藉頗塵吾子道路之議豈其或然聞此之日能無駭惋
囚人反道敗德日夜滋深昵近狡慝取謀豺虎非惟毒流外物惡
積中朝乃欲毀陵邑虐崇憲燒宗廟鹵御物然後湯覆京都必使
蘭橈俱盡自非聖上廟算靈圖俛眉遜避維持內外擁衛臣下則

赤縣爲我百姓其魚矣此事此理寧可孰念既天道輔順謳歌有
奉高祖之孫文皇之子德洞九幽功貫三曜匡扶家國昆駟黔首
若不子民南而將使神器何歸而羣下構慝妄生窺覬成軫惑燕
貫高亂趙譏人罔極自古有之汝中京冠冕儒雅世襲多見前敵
縣鑒忠邪何遠遺郎中之清軌近忘太尉之純熙相與或羣從舅
甥或姻婭周款一旦胡越能無悵恨若疑誑所至邪誠無窮汝當
誓眾奮戈剪此朝食若自延過聽迷塗未遠聖上臨物曰仁接下
曰愛豈直雍齒先封乃當射鉤見相矣當由力窘跡風丹誠未亮
邪跋予南服寤寐延首若反棹沿流歸誠鳳關錫珪開寓非爾而
誰吾等竝過荷曲慈俱叨非服紆金拖玉改觀蓬門入奉舜禹之
渥出見義唐之化雍容掄擢信白駒空谷之時也奈何毀擲先基
自蹈凶戾山門蕭瑟松庭誰埽言念楚路豈不思父母之邦幸納
惡石曰蠲美疹裁書表意爾其圖之

宋書袁顥傳太宗使朝士賈
顥書其文類聚二十五有此

目為讀

莊撰

為沈慶之荅劉義宣書

皇綱絕而復紆、區宇墜而更維、

文選王巾、西陵寺碑、文注、案宋書南郡王義宣傳有沈慶之與義宣

書無此二語、此是荅書、彼是與書、未必在一篇中、也、今則曰、彼篇屬沈慶之集

與左僕射書

弟昨還、方承間、忽患悶、當時乃爾、大惡、殊不易追企、但想諸治、昨

來、已漸勝、眠食復云何、頃日寒重、春節至、居患者無不增動、今作

何治、眠風不異耳、指遣承問、謝莊白呈左僕射、

消化閣帖三

竹贊

瞻彼中唐、綠竹猗猗、貞而不介、弱而不蔽、杳裊人表、蕭瑟雲崖、推

名楚潭、美質梁池、

藝文類聚卷八十九

宋孝武宣貴妃諫

件序

惟大明六年夏四月壬子、宣貴妃薨、律、谷罷煖、龍鄉輟曉、照車去

魏聯城辭趙皇帝痛掖股之既聞悼泉途之已宮巡步檐而臨華
路集重陽而望椒風嗚呼哀哉天寵方降王姬下姻肅雍揆景陟
配爰臻國軫喪淑之傷家凝震庇之怨敢撰德於旂旒庶圖芳於
鍾萬其辭曰

玄丘烟燼瑤臺降芬高唐滌雨巫山鬱雲誕發蘭儀光啟玉度望
月方娥騰星比婺毓德素里棲景宸軒處麗絺絺出懋蘋蘩修詩
賁道稱圖照言翼訓如喉贊軌堯門綢繆史館容與經闈陳風緝
藻臨豕分微游藝殫數撫律窮機躊躇冬愛悵悵秋暉展如之華
寔邦之媛敬勤顯陽肅恭崇憲奉榮維紉承慈日遜逮下延和臨
朋違怨祥靈集祉慶謁迎祥皇肩璿式帝女金相聯跼齊穎接夢
均芳日蕃日收燭代輝梁視朔書氛觀臺告暇八頌局和六祈輟
參衡總滅容翬翟毀征掩綵瑤光收華紫禁嗚呼哀哉帷軒夕改
輶輅晨遷離宮天窳別殿雲懸靈衣虛襲組帳空烟巾見餘軸匣

有遺絃。嗚呼哀哉。移氣朔兮變羅紉。白露凝兮歲將闌。庭樹驚兮
中帷響。金釭暖兮玉座寒。純孝歸其俱毀。共氣摧其同樂。仰昊天
之莫報。怨凱風之徒攀。茫昧與善。寂寥餘慶。喪過乎哀。棘實滅性。
世覆冲華。國虛淵令。嗚呼哀哉。題奏既肅。龜筮既辰。階撤兩奠。庭
引雙輜。維慕維愛。日子日身。慟皇情於容物。崩列辟於上旻。崇微
章而出。寶甸照殊策而去。城闕嗚呼哀哉。經建春而右轉。循閭闔
而逕度。旌委鬱於飛飛。龍逶遲於步步。鏘楚挽於槐風。喝邊簫於
松霧。涉姑繇而環迴。望樂池而顧慕。嗚呼哀哉。晨輶解鳳。曉蓋俄
金山庭寢日。隧路抽陰。重扇闔兮燈已黯。中泉寂兮此夜深。銷神
躬於壤末。散靈魄於天濤。響乘氣兮蘭馭風。德有遠兮聲無窮。嗚

呼哀哉

文選類聚十五 藝文

黃門侍郎劉琨之誄

秋風散兮涼葉稀。出吳洲兮謝江幾。瞻國門兮聳雲路。眺舊里兮

驚客衣、魂終朝而三奪、心一夜而九飛、過建春、今背闕庭、歷承明、
兮去城、望旌徘徊而北、係轡遽遲而不轉、挽掩隧而辛嘶、嘆含愁
而鳴俛、顧物色之共傷、見車徒之相泣、藝文類聚四十八

殷貴妃諡策文

維年月日、皇帝曰、咨故淑儀殷氏、惟爾含徽挺懋、初學記作威爰光素

里、友琴流荇、實華紫掖、奉軒景日、柔明登譽、初學記作發迹處椒風、日嬋

嬋升名、幽閑之範、日藹層闈、繁祉之慶、方隆蕃世、而當春掩、藻中

波滅源、朕用震悼、傷於厥心、松柏已翦、泉冥將隧、宜旌德第、行式

衍聲芳、今遣某官某冊、告諡曰宣、魂而有靈、尚茲寵渥、嗚呼哀哉

藝文類聚十五

初學記十二

孝武帝哀策文

應門洞望、馳道南除、政塗已撤、鬱鬱將虛、哀子嗣皇帝、擗標池、綰
周遑旌軫、攀七緯之崩淪、慟三靈之徂盡、百神慕而行雲沈、萬國

哀而素霜質、衣冠緬邈、弓劍不追、敢謂謳頌、髮鬢希夷、其辭曰、
樞電皇根、月瑤國緒、片裔丹陵、蟬聯華洛、二后在天、大行纂武、克
睿克聖、重規襲矩、昭昭金式、明明玉溫、望雲其遠、就日其尊、雨零
露湛、冬暖春暄、聲芳納麓、道昭賓門、上德無稱、至功不器、昭悵四
始、優遊六位、綴響蘭深、緡言瓊祕、悠哉梁陵、眇焉汾隸、敬業開寓、
離經作翰、鴻起荆河、鸞遊楚漢、泗濱霑明、江區承負、陝左清郊、棠
陰虛館、地維不紐、乾綱弛機、義庭薄蝕、紫路流飛、泣血派浹、顧瞻
川沂、孝貫樞極、義震寰圉、誓鉞皇郊、詔師牧甸、七景締華、五雲卷
焜、雪忽園邑、埽恥瀛縣、啟聖宸蓋、集寶龍見、王室多故、國步方蹇、
淮濟裂冠、江荆毀冕、東楚亂常、西華泊興、動筭揮圖、爰戢爰翦、浹
宙斯澄、綿區咸鏡、修風曉逸、德星夕映、溽露飛甘、舒雲結慶、禎被
動植、信泊翔泳、契禮克宣、堅章必構、方堂饗極、圓流肆胃、南聲郊
宮、北清靈囿、瑤軒春藉、翠華冬狩、經緯窮文、克定盡武、部上呈祥、

介丘載佇在盈念元成功弗處槃鏡中世易矣前古睿業初遠鴻
化方亭丹雲承日素景騰星玉几去襲綴衣在庭辭重陽之昭昭
降大夜之冥冥氣質炎涼史詔龜茲文物空嚴鑾和虛衛動蜃蜃
之逶迤顧璧羽之容裔出國門分天地向幽途異身世龍旌鬱而
青槐遠驚葭亂而白楊翳觀初霜之變條聽秋風之下椿橋山緬
雲澱秋虧日輦道結寒松庭盡密芝蓋迫輪上驥眷轡萬寓肅其
北轅靈阿聞其深墮南維有時傾離光不常鏡騰英聲與茂實方
流華於舞詠

藝文類聚十三

皇太子妃哀策文

楹凝桂奠庭肅龍輶風沈國路雲起郊門皇帝傷總綫之掩綵悼
副祚之滅華行光既晏長河又斜顧而言曰璇璫有毀郁烈無湮
翦素裁簡授之史臣其辭曰

霍岫虧天瀾流凝漢祥發桐珪慶昭金筭毓景帝里飛芳戚閭祔

儀施谷

初學記作
祕義施容

升音集灌月暑幾望娣袂維良釋幃春宮承飾

初學記
作催

少陽五葉衍藻四訓抽光葳蕤蕙振

初學記
作蕙

婉變瓊相清

微就遠祲沴傳方臨華罷翠當睢收蘭複殿生響長廡

初學記
作廡結

寒節移虛饋氣變容衣中庭草夢階上螢飛傷縈里第痛溢朝闈

霜侵燭昧風蜜帷淒驚葭夕轉龍驂夜嘶筵既訣分奠既撤背青

闕兮去神閨旌掩鬱而還泛蓋逶遲而顧低素紉斂維華軒解馭

山燧恆陰松阿不曙離天渥兮就銷沈委白日兮卽冥暮菊有秀

兮蕘有芬德方遠兮聲彌樹

凱文類聚十
六初學記十

豫章長公主墓志銘

稟中極之照體星軒之華肅恭在國掖庭欽其風恪勤衡館庶族

仰其德神葉靈條爰自帝堯文信啟魯肇京於楚宵燭載照娥英

是從婉婉締綰優柔蕭雍蕘蕘有寶金碧不居泉庭一夜里館長

燕凱文類
聚十六

司空何尚之墓誌

遠源長淵、自晉徂韓、潛川蹈玉、霍岫騰轡、處華民瞻、出光帝難、寂
寞壽仁、茫昧報施、調於餌歸、經難塞寄、掩映流芳、煙燼作義、統文類聚

七十

賜進士出身三品銜廣東等處提刑按察使司按察使兼管驛傳事務高王毓藻校刊

全宋文卷三十六

烏程嚴可均校輯

顏延之一

延之字延年琅邪臨沂人晉光祿勳舍曾孫義熙中後將軍吳
國內史劉柳曰爲行參軍轉主簿歷豫章公世子參軍宋國建
爲博士仍遷世子舍人及受禪補太子舍人徙尚書儀曹郎太
子中舍人少帝卽位曰爲正員郎兼中書郎徙員外常侍出爲
始安太守元嘉初徵爲中書侍郎轉太子中庶子尋領步兵校
尉出爲永嘉太守未行免起爲始興王浚後軍諮議參軍遷御
史中丞改國子祭酒司徒左長史免復爲祕書監光祿勳致仕
元凶弒立曰爲光祿大夫孝武卽位曰爲金紫光祿大夫領湘
東王師孝建三年卒年七十三贈散騎常侍特進諡曰憲子有
集三十卷逸集一卷

行瑾賦

嗟我來之云遠，觀行瑾於水隅。崩朽信已掩壙，仰枯頽而枕衡。登沙磧，目含實，藉水草之襪。儲撫躬中塗，太息蘭渚。行徘徊於永路，時悄悄於川侶。

魏文類聚三十四

白鸚鵡賦

并序

余具職崇賢，預觀神祕。有白鸚鵡焉，被素履玄。性溫言達，九譯絕區。作瑞天府，同事多士。咸竒思賦，其辭曰：

稟儀素域，繼體寒門。貌履玄而被潔，性既春而示溫。

已上初學雖記三十

言禽之末品，妙六氣而更生。往祕奇於鬼服，來充美於華京。恨儀鳳之無辨，惜晨鷺之徒喧。思受命於黃髮，獨含辭而採言。起交河之榮薄，出天山之無垠。既達美於天居，亦儼景於雲阿。漸惠和之方渥，綴風土而未訛。服璫翻於短袂，仰梢雲之曾柯。覩天網之一布，漏微翰於山阿。

魏文類聚九十一

赭白馬賦 并序

驥不稱力、馬曰龍名、豈不曰國尚威容、軍獸趨迅而已、實有騰光吐圖、疇德瑞聖之符焉、是曰諱崇其靈、世榮其至、我高祖之造宋也、五方率職、四隩入貢、祕寶盈於玉府、文馴列乎華殿、乃有乘輿赭白、特稟逸異之姿、妙簡帝心、用錫聖皇、服御順志、馳驟合度、齒歷雖衰、而藝美不忒、襲養兼年、恩隱周渥、歲老氣殫、斃於內棧、少盡其力、有惻上仁、乃詔陪侍、奉述中旨、末臣庸蔽、敢同獻賦、其辭曰、

惟宋二十有二載、盛烈光乎重葉、武義粵其肅陳、文教迄已優洽、秦階之平可升、興王之軌可接、訪國美於舊史、攷方載於往牒、昔帝軒陟位、飛黃服皂、后唐膺錄、赤文候日、漢道亨而天驥呈才、魏德楸而澤馬効質、伊逸倫之妙足、自前代而間出、竝榮光於瑞典、登郊歌乎司律、所曰崇衛威神、扶護警蹕、精曜協從、靈物咸秩、暨

明命之初基、罄九區而率順、有肆險日稟、或踰遠而納賁、聞王會之阜昌、知函夏之充牣、總六服日收賢、掩七戎而得駿、蓋乘風之淑類、實先景之洪眉、故能代驂象輿、歷配鈞陳、齒筭延長、聲價隆振、信聖祖之蕃錫、留皇情而驟進、徒觀其附筋樹骨、垂梢植髮、雙瞳夾鏡、兩權協月、異體峯生、殊相逸發、超攄絕夫塵轍、驅驚汎於滅沒、簡偉塞門、獻狀絳闕、旦刷幽燕、晝秣荆越、敎敬不易之典、訓人必書之舉、惟帝惟祖、爰游爰豫、飛輅軒日戒道、環轂騎而清跡、勒五營使案部、聲八鸞日節步、具服金組、兼飾丹腹、寶鉸星纏、鍔章霞布、進迫遮迺、卻屬輦輅、欬贊擢日鴻驚、時獲略而龍翥、用雄姿日奉引、婉柔心而待御、至於露滋月肅、霜戾秋登、王子興言、闡肆威稜、臨廣望、坐百層、料武藝、品驍騰、流藻周施、和鈴重設、脫影高鳴、將超中折、分馳迴場、角壯永埒、別輩越羣、綢練實絕、捷矯夫之敏手、促華鼓之繁節、經玄驪而雹散、歷素支而冰裂、膺門沫

赭汗滿走血、跪迹回唐、畜怒未洩、乾心降而微怡、都人仰而明悅、
姍變之態、旣畢、凌遽之氣、方屬、賜鑣轡之牽制、監通都之園束、春
西極而驤首、望朔雲而蹀足、將使紫燕駢衡、綠蛇衛轂、纖驪接趾、
秀騏齊下、覲王母於崑墟、要帝臺於宣嶽、跨中州之轍迹、窮神行
之軌躅、然而般於遊畋、作鏡前王、肆於人上、取悔義方、天子乃輟
駕迴慮、息徒解裝、鑒武穆、憲文光、振民隱、脩國章、戒出豕之敗御、
惕飛鳥之跼衡、故祇愼乎所常、忽敬備乎所未防、與有重輪之安、
馬無泛駕之佚、處曰濯龍之奧、委曰紅粟之秩、服養知仁、從老得
卒、加獎帷、收什質、天情周、皇恩畢、

亂曰、惟德動天、神物儀兮、於時駟駿、充階街兮、稟靈月駟、祖雲螭
兮、雄志倜儻、精權奇兮、旣剛且淑、服鞶羈兮、效足中黃、効驅馳兮、
願終惠養、蔭本枝兮、竟先朝露、長委離兮、
文選苑文類
聚九十三

寒蟬賦

始蕭瑟已攢吟終嬋媛而孤引越客發度障之歌代馬懷首燕之
信不假綏於苑冠豈鏤體於人爵折清飈而不淪團高木已飄落
魏文類聚九十
七初學記三十

餐霞之氣神馭乎九仙稟露之清氣精於八蟬

贈諡袁淑詔
夫輕道重義亟聞其教世做國危希遇其人自非達義之至識正
之深者孰能抗心衛主遺身固節者哉故太子左衛率淑文辯優
洽秉尚貞慤當要逼之切意色不撓厲辭道逆氣震匈黨虐刃交
至取斃不移古之懷忠隕難未云出其右者興言嗟悼無廢平心
宜在加禮永旌宋有臣焉可贈侍中太尉諡曰忠憲公

宋書袁淑
傳世祖卽
位使鄒延
之爲詔

賜卹袁淑遺孤詔

袁淑已身殉義忠烈邈古遺孤在疚特所矜懷可厚加賜卹已尉

存亡同

庭諸

庭諸者施於閭庭之內謂不遠也吾年居秋方慮先草木故遽已未聞諸爾在庭若立履之方規覽之頃已列通人之規不復續論今所載成其素畜本平性靈而致之心用夫選言務一不尚煩密而至於備議者蓋曰網諸情非古語曰得鳥者羅之一目而一目之羅無時得鳥矣此其積意之方道者識之公情者德之私公通可曰使神明加勸私塞不能令妻子移心是曰昔之善爲士者必捐情反道合公屏私尋尺之身而曰天地爲心數紀之壽常曰金石爲量觀夫古先垂戒長老餘論雖用細制每曰不朽見銘繕築末迹歲日可久承志況樹德立義收族長家而不思經遠乎曰身行不足遺之後人欲求子孝必先慈御覽五百九十將責弟悌務爲友御覽四百十六五百雖孝不待慈而慈固御覽五百九植孝

悌非期友而友亦立悌夫和之不做或應目不和猶信不足焉必
有不信御覽作猶信之不足必應目不信儻知恩意相生情理相出可使家有參
柴人皆由損夫內居德本外夷民譽言高一世處之逾嘿器重一
時體之茲冲不己所能干眾不己所長議物淵泰入道與天爲人
者士之上也若不能遺聲欲人出已知柄在虛求不可校得敬慕
謙通畏避矜踞思廣監擇從其遠猷文理精出而言稱未達論問
宣茂而不己居身此其亞也若乃聞實之爲貴己辯盡所克見聲
之取榮謂爭奪可獲言不出於戶牖自己爲道義久立才未信於
僕妾而曰我有己過人於是感荷銳之志馳傾軋之望豈悟已挂
有識之裁入脩家之誠乎記所云千人所指無病自死者也行近
於此者吾不願聞之矣凡有知能預有文論不練之庶士校之羣
言通才所踰前流所與焉得己成名乎若呻吟於牆室之內喧囂
於黨輩之間竊議曰述寡聞姐語曰敵要說是短算所出而非長

見所上。適值尊朋臨座。稠覽博論。而言不入於高聽。人見棄於眾。視則悅若迷塗。失偶。壓如深夜撤燭。銜聲茹氣。腴嘿而歸。豈識向之夸慢。祇足已成今之沮喪邪。此固少壯之廢。爾其戒之。夫已怨。誹爲心者。未有達無心。救得喪。多見謂耳。此蓋臧獲之爲。豈識量之爲事哉。是已德聲令氣。愈上每高。忿言對讎。每下愈發。有尙於君子者。寧可不務勉邪。雖曰恆人情不能素盡。故當已遠理勝之。么竿除之。豈可不務自異。而取陷庸品乎。富厚貧薄。事之懸也。已富厚之身。親貧薄之人。非可已一時處。然昔有守之無怨。安之。不悶者。蓋有理存焉。夫既有富厚。必有貧薄。豈其證然。時乃天道。若人皆厚富。是理無貧薄。然乎必不然也。若謂富厚在我。則宜貧薄在人。可乎。又不可矣。道在不然。義在不可。而橫意去就。謬生希幸。已爲未達至分。蠶溫農飽。民生之本。躬稼難就上。已僕役爲資。當施其情願。庀其衣食。定其當治。遞其優劇。出之休養。後之推責。雖

有勸恤之勤而無霑曝之苦、務前公稅、已遠吏讓、無急傍費、已息
流議、量時發斂、視歲穰儉、省贍已奉己、損散已及人、此用天之善
御生之得也、率下多方、見情爲上、立長多術、晦明爲監、雖及僕妾
情見則事通、雖在畎畝、明晦則功博、若奪其當然、役其煩務、使威
烈雷霆、猶不禁其欲、雖棄其大用、窮其細瑕、或明灼日月、將不勝
其邪、故曰屏焉則差的焉、則闇、是已禮道尙優、法意從刻、優則人
自爲厚、刻則物相爲薄、耕收誠鄙、此用不忒、所謂野陋而不已居
心也、含生之氓、同祖一氣、等級相傾、遂成差品、遂使業習移其天
識、世服沒其性靈、至夫願欲情嗜、宜無閒殊、或役人而養給、然是
非大意、不可侮也、閭閻有寵、齊侯蔑寒、犬馬有秩、管燕輕饑、若能
服溫厚而知穿弊之苦、明周之德、厭茲旨而識寡嗛之急、仁恕之
功、豈與夫比肌膚於草石、方手足於飛走者、同其意用哉、罰慎其
濫、惠戒其偏、罰濫則無已爲罰、惠偏則不如無惠、雖爾眇末、猶扁

庸保之上事恩反己動類念物則其情得而人心寒矣拊博蒲塞會眾之事諧調嘲謔適坐之方然失敬致悞皆此之由方其剋曠彌喪端儼汎遭非鄙慮將醜拆豈若拒其容而簡其事靜其氣而遠其意使言必諄歷賓友清耳笑不傾嫵左右悅目非鄙無因而生侵侮何從而入此亦持德之管籥爾其謹哉嫌惑疑心誠亦難分豈唯厚貌蔽智之明深情怯剛之斷而已哉必使猜怨愚賢則嘖笑入戾期變犬馬則步顧成妖況動容竊斧束裝盜金又何足論是以前王作典明慎議獄而僭濫易意朱公論璧光澤相如而倍薄異價此言雖大可引戒小游道雖廣交義爲長得在可久失在輕絕久由相敬絕由相狎愛之勿勞當扶其正性忠而勿誨必藏其枉情輔以藝業會以文辭使親不可褻疏不可間每存大德無挾小怨率此往也足引相終酒酌之設可樂而不可嗜嗜而非病者希病而遂省者幾既省既病將蔑其正若存其正性紓其妄

發其唯善成乎。聲樂之會可備而不可遠。遠而不背者鮮矣。背而非弊者反矣。既弊既背。將受其毀。必能通其礙而節其流。意可爲和中矣。善施者唯御覽四百七十七作豈唯發自人心。乃出天則。與不待積取無謀實。竝散千金。誠不可能。贍人之急。雖乏必先。使施如王丹。愛如杜林。亦可與言交矣。浮華怪飾。滅質之具。奇服麗食。棄素之方。動人勸慕。傾人顧盼。可曰遠識矣。難用近欲從。若觀其淫怪。知生之無心。爲見奇麗。能致諸非務。則不抑自貴。不禁自止。夫數相者必有之微。既聞之術人。又驗之吾身。理可得而論也。人者兆氣二德。稟體五常。二德有奇偶。五常有勝殺。及其爲人。寧無叶沴。亦猶生有好醜。死有天壽。人皆知其懸天。至於丁年乖遇。中身迂合。者豈可易地哉。是曰君子道命愈難。識道愈堅。古人恥曰身爲溪壑者。屏欲之謂也。欲者性之煩濁。氣之蒿蒸。故其爲害則燠心智。耗真情。傷人和。犯天性。雖生必有之。而生之德猶火含烟而妨火。徒

懷靈而殘桂。然則火勝則烟滅。

即覽人日七十一
作酒勝則火滅

蠶壯則桂折。故

性明者欲簡嗜繁者氣懣去明即昏難曰主一日其目中外羣聖

建言所黜。儒道眾智發論是除。然有之者不患誤深。故藥之者恆

苦術淺。所曰毀道多而義寡。頓盡誠難。毋指可以易。每指亦明

之末。廉嗜之性不同。故畏慕之情或異。從事於人者。無一人我之

心。不己己之所善。謀人爲有明矣。不己人之所務。失我能有守矣。

己所謂然。而彼定不然。弈棋之蔽。悅彼之可。而忘我不可。學嘔之

蔽。將求去蔽者。念通忤介而已。流言譎議。有道所不免。況在闊薄。

難用算防。接應之方。言必出己。或信不素積。嫌間所襲。或性不和

物。尤怨所聚。有一於此。何處逃毀。苟能反悔在我。而無責於人。必

有達鑒。昭其情。遠識迹其事。日省吾躬。月料吾志。寬嘿曰居。潔靜

已期。神道必在。何恤人言。嘖曰富則盛。貧則病矣。

藝文類聚三十
五初學記十八

作甚

貧之爲病也。不爲形色。麤糲。或亦神心沮廢。豈但交友疏棄。

必有家人誦讓非廉深遠識者何能不移其植

魏文類聚作非廉深遠識者何能不

交移其植初學記作其操

故欲蠲憂患莫若懷古懷古之志當自同古人見通

則憂淺意遠則怨浮

魏文類聚初學記作見

魏文類聚初學記作昔有琴歌

於編蓬之中者用此道也夫信不逆義必出隱交賴相盡明有

相照一面見旨則情固丘岳一言中志則意入淵泉曰此事上水

火可蹈曰此託友金石可弊豈待充其榮實乃將議報厚之篚篚

然後圖終如或與立茂思無忽祿利者受之易易則人之所榮

穡者就之艱艱則物之所鄙艱易既有勤倦之情榮鄙又聞向背

之意此二塗所爲反也曰勞定國曰功施人則役徒屬而擅豐

理於民自事其生則督妻子而趨耕織必使陵侮不作懸企不

萌所謂賢鄙處宜華野同泰人曰有惜爲質非假嚴刑有恆爲德

不慕厚貴有惜者曰理葬有恆者與物終世有位去則情盡斯無

惜矣又有務謝則心移斯不恆矣又非徒若此而已或見人休事

則勸斷結納及問否論則處彰離貳附會已從風隱竊已成毀朝
吐面譽慕行背毀昔同稽款今猶叛戾斯爲甚矣又非唯若此而
已或憑人惠訓藉人成立與人餘論依人揚聲曲存稟仰甘赴塵
軌衰沒畏遠忌開影迹又蒙之毀之無度心短彼能私樹己拙自
崇恆輩罔顧高識有人至此實蠹大倫每思防避無通閭伍覩驚
異之事或無涉傳遭卒迫之變反思安順若異從己發將尸謗人
迫而又迂愈使失度能夷異如裴楷處逼如裴遐可稱深士乎喜
怒者有性所不能無常起於褊量而止於弘識然喜過則不重怒
過則不威能已恬漠御覽五百九十三作恬淡爲體寬愉爲器者御覽下有美矣二字大
喜蕩心微抑則定甚怒煩性小忍卽歇御覽下有故字動無愆容舉無失
度則物將自懸人將自止習之所變亦大矣豈惟蒸性染身乃將
移智易慮故曰與善人居如入芝蘭之室久而不聞其芬與之化
矣與不善人居如入鮑魚之肆久而不知其臭與之變矣是曰古

人愼所與處唯夫金眞玉粹者乃能盡

藝文類聚二
十三作處

而不汚爾故

曰丹可滅而不能使無赤石可毀而不能使無堅苟無丹石之性必愼浸染之由能曰懷道爲人必存從理之心道可懷而理可從則不議貧議所樂耳或云貧何由樂此未求道意道者瞻富貴同貧賤理固得而自我喪之未爲通議苟議不喪夫何不樂或曰溫飽之貴所曰榮生飢寒在躬空曰從道取諸其身將非篤論此又通理所用凡生之具豈簡定實或曰膏腴天性有曰菽藿登年中散云所足與不由外是曰稱體而食貧歲愈謙量腹而炊豐家餘食非粒實息耗意有盈虛爾況心得復劣身獲仁富明白入素氣志如神雖十旬九飯不能令饑業席三屬不能爲寒豈不信然且曰己爲度者無曰自通彼量渾四游而幹五緯天道弘也振河海而載山川地道厚也一情紀而合流貫人靈茂也昔之通乎此數者不爲割制之行必廣其風度無挾私殊博其交道無懷曲異故

望塵請友，則義士輕身，一遇拜親，則仁人投分。此倫序通允，禮俗
平一，上獲其用，下得其和。世務雖移，前休未遠。人之適主，吾將反
本。三人至生，豈有之識？幼壯驟過，哀耗驚及。其間夭鬱，既難勝言。
假獲存遂，又云無幾。柔麗之身，亟委土木。剛清之才，遽爲巨壤。回
遑顧慕，雖數紀之中，爾。曰：此持榮，曾不可留。曰：此服道，亦何能平。
進退我生，游觀所達，得貴爲人，將在含理。含理之貴，惟神與交。幸
有心靈，義無自惡。偶信天德，逝不上慚。欲使人沈來化，志符往哲。
勿謂是賒，日鑿斯密。著通此意，吾將忘老。如固不然，其誰與歸。值
懷所撰，略布帛脩。若備舉情見，顧未書一。瞻身之經，別在田家節
政奉終之紀。自著燕居畢義。宋書顏延之傳又略見藝文類聚二百十六又四百七十七又五百九十三又八百七十一
御覽四百
清者人之正路。御覽四百二十六

枚叔有言：欲人勿聞，莫若勿言。御寒莫若重裘，止謫莫若自脩。論

語云內省不疚夫何憂何懼

御覽五百九十三

觀書貴要觀要貴博博而知要萬流可一詠歌之書取其連類合章比物集句采風謠目達民志詩爲之祖褒貶之書取其正言晦義轉制衰王微辭豈旨一本作氣責貽意盛聖春秋爲上易首體備能事之淵馬陸得其象數而失其成理荀王舉其正宗而略其數象四家之見雖各爲所志總而論之精理出於微明氣數生於形分然則荀王得之於心馬陸取之於物其無惡迄可知矣夫象數窮則太極著人心極而神功彰若荀王之言易可謂極人心之數者也

初學記二十一引兩條御覽六百八又六百九

荀爽云詩者古之歌章然則雅頌之樂篇全矣自是後之口詩者率目歌爲名及秦勒望岱漢祀郊宮辭著前史者文變之高制也雖雅聲未至弘麗難追矣逮李陵眾作總雜不類元是假託非盡陵制至其善寫有足悲者華虞文論足稱優洽柏梁目來繼作非

所纂至七言而已。九言不見者，將由聲度闕誕，不協金石，至於
五言流靡，則劉楨、張華、四言側密，則張衡、王粲。若夫陳思王可謂
兼之矣。御覽五百八十六

達見同善，通辯異科。一曰言道，二曰論心，三曰校理。言道者本之
於天，論心者議之於人，校理者取之於物，從而別之，繇塗參陳，要
而會之，終致可一。若夫玄神之經，窮明之說，義兼三端，至無二極。
但語出梵方，故見猜世學，事起殊倫，故獲非恆情。天之賦道，非差
胡華人之稟靈，豈限外內。一曰此思，可無臆哉。爲道者蓋流出於
仙法，故目鍊形爲上。崇佛者本在於神教，故目治心爲先。鍊形之
家，必就深曠，反飛靈，煥丹石，粒芝精。所目還年卻老，延華駐彩，欲
使體合纓霞，軌徧天海。此其所長，及僞者爲之，則忌災崇課，粗願
混土，女亂妖正。此其巨蠹也。治心之術，必辭親偶，閉身性，師淨覺，
信緣命。所目反豈爲生，剋成聖業，智邀大明，志狹恆劫。此其所貴。

及詭者爲之則藉髮落狎菁華傷榮聲謀利論此其甚誣物有不
然事無不弊衡石日陳猶思差忒況神道不形固眾端之所假未
能體神而不疑神無者日爲靈性密微可已積理知洪變歎悅可
呂大順符照若鏡天肅若窺淵能日理順爲人者可與言有神矣
若乃罔其真而背其弊是未加心照耳

弘明集
十三

策秀才文

廢興之要敬俟良說

文選任昉天監
策秀才文注

請立渾天儀表

張衡創物蔡邕造論戎夏相襲世重其術臣昔奉使入關值大軍
旋旆渾儀在路肆觀奇祕絕代異寶旋及王府攷諸前志誠應夙
聞尙書璇璣玉衡呂齊七政崔瑗所謂數術窮天地制作侔造化
經志所云圖憲所本故體度不渝精測尙矣則七晷運變無匪康
時九代貞觀不絕司歷臣夙懷末意懼於非任今忝惟職統敢昧

元計間魏文類聚

一御覽二

拜永嘉太守辭東宮表

抗志絕操、筆陸謝、被代食賓士、何獨匪民、魏文類聚五十

爲竟陵王世子臨會稽郡表

此郡歌風蹈雅、旣髣髴於淹中、春誦夏絃、實依稀於河上、頃者已

來、稍有訛替、可推擇明經、式寄儒職、使琢玉成器、無爽昔談、鑄金

待價、有符舊說、魏文類聚五十

謝子竣封建城侯表

伏見策書降錫、息政開國、建城縣侯、爵踰三等、戶越兼千、生邀洪

禮、身茂盛世、闔宗革聽、盡室改觀、誠慚末品、誤參其泰、臣聞子之

能仕、父教之忠、忠教善信、臣實負其前誥、能仕志政、竣固暗於明

試、徒以數遇會昌、消憂啟聖、幸與璽鼎、福德共從、義勳分賞、執珪

登朝、析金受邑、慶重慮愆、恩往懼積、非臣耄蔽所任、圖報豈竣庸

薄所能奉報

魏文類聚
五十一

上表自陳

臣聞行百里者半於九十言其末路之難也愚心常謂爲處方今
乃知其信臣延之人薄寵厚宿應國言而雪効無從榮牒增廣祿
盡身服日叨官次雖容載有塗而妨穢滋積早欲啟請餘筭屏蔽
醜老但時制行及歸慕無餘是日恤冒愆非簡息干黷耗歛難支
質用有限自去夏侵暑入此秋變頭齒眩疼根痼漸劇手足冷痺
左髀尤甚素不能食頃向減半本猶賴服比倦悻晚半疾所催願
景引日臣班叨首卿位尸封典肅祇朝枝尙應匪任而陵廟猥事
有召疾怠宮府觀慰轉闕躬親息奠庸微過宰近邑回澤爰降實
加將監乞解所職隨就藥養伏願聖慈特垂矜許稟恩明世負報
冥慕仰企端闕上戀罔極

宋書顏延之傳

賜進士出身二品銜廣東等處提刑按察使司按察使兼管驛傳事務黃岡王毓藻校刊

全宋文卷三十六終